

Писа-Ибадаг вакъне

1 Са вахтла Римла Август патишагъле пурман ттаагъиблиса — либил Римла пачаллугъла гІянччалжибжуб ула перепись бакъахъий. 2 Ил Ссириялла КІвириний букІузив патишагъла вахтла уй квашубил ссибталлазиб перепись бужиблисаб. 3 Налжибле гъарил, вагъ-вала сав гъаттакІубзив шагъаррице бедагул саб переписла кІалце кабгахъий. 4 Юсупйа бедагулсав Гателеялла улкалла Назарет букІузиб шагъаррицил Иудеял Даудла Виплеем букІузиб шагъаррице, силийкІун идйа Даудла агълулла ужиблину. 5 Уй перепись бйкъумусса бедагулсав ил синий хъад йаччибзий, гал вакънилже йидигъузий Маръянницила саннив. 6 Виплеемлиб Маръянна гал вакъий вахт гъабагъиб, 7 вакъиблисай илдил синна ссибталлазив гал. Венваккул, кищиблисай гал хІаванталла тІинил, карвансарайлиб гъаттахъаквал илттаддий мусса. 8 Авлахълижиб, гъихъаквал, тиблибужиблисаб чула мацца думккужуб дукруще. 9 Дуччилий, яхаквал, илттата сачІибисав Аллагъла малаик, Аллагъла чивадихъла щала гъегъибле. Дукруще ухгъабуччибисаб. 10 Малаикле амма гъаъиблисаб: «Ухгъаммадуккутта, ду какъюнзивда ищий ва сикІал улий ццихъгІдихъла хабар какъиб! 11 Иял Даудла шагъаррицив вакъиблисаб уща ххвассай дакъилазив ХиристІус Аллагъ! 12 УлхІий ищий кІе лишан: хІаванталла тІинилив ваччилалда ушад чахъвнад венваккул кищибзив гал». 13 ХабарчІу аквит малаиклищу дакІу бачІиблисаб ццуппалла ххял малаикалла аскар. Илтте Аллагълий булккун, Аллагъ чивавикъул, букІул бужиблисаб: 14 «Чивадихъ, ахъссив Аллагълий! Паргъатдихъ бухаб либил дуналжиб хІирбихужуб къудрат чибжуб улий!» 15 Малаике ццуппаце чаргъабхуммутил, дукрущад къастІ бакъиблисаб: «Даше, дукъгІе Виплеемле, бахккве иттуо се агулил, се гъайдил Аллагъла ниссице», - букІул. 16 Бедагулсаб бедахгІиб илтте Виплеемле, баччибисаб илтталдий Маръянйа, Юсупйа, хІаванталла тІинил кищибзив вйкІа галиа. 17 Илттаддий гал вахккуммутил, гъабилгуннисаб улце сикІалдихъ малаикаддил вйкІа галла

хІякълициб чуцце гъаѣибзиб. 18 СикІал лявибачІибжуб
укІбухъуннисаб дукрущалла хабаррий. 19 Маръянне бухал
сикІалдихъ синна укІилже кабсиб, цикре юкІул южиблисай. 20
Дукруще чарбухублисаб чула маццалщу, Аллагъ чивавикъул,
Аллагълицце булккун, сикІалдихъ чуй бахккубзиблийя, чуй
бакъибзиблийя, чуцце гъаѣибдикъле дурусле агузиблийя.